

Traducción al ayuujk desde la variante de Tlahuitoltepec

Díaz Gómez, José Guadalupe

2015-03-20

<http://hdl.handle.net/20.500.11777/637>

<http://repositorio.iberopuebla.mx/licencia.pdf>

Fotografía: Tobias Lindman

Mää

ja

mëj

ëxpëjtääjk

ISIA

jam

ja

të'ëxyëjktë

Traducción al ayuujk desde la variante de Tlahuitoltepec

José Guadalupe Díaz Gómez

Ku yë yéknajää'wën ja' yë'ë, jam yë'ë mää tyunyë jyat�ë, mää yéktsëenë yéktanë (Díaz, 2006) nayte'n säm yë ayuujkwënmää'ny wyä'any, yë expëjkën kyëja'pijkpy yë jää'y yë', tattékjyép, ku ja jää'y ttsëenë ttanë ja tsojkën, tjawë ja nay'ejkäppë ja nakyuppëkë ja namyepëkkë, yékjamytat yékwtënts'ëkë, ku jyaa'aty mëti' yékmejkpëkkëyëp mää tsyëenë tyanë, ku jam jaty ja awä'ats'äjtënen jëts tmëwejt tmëkajt ja nyëe' ja tyuu'...jëts kë'm t'ejxt tpäät jotkujk mëti' memp këtäkp (CEA-UHIA, 2008)

Ku yë wenmää'ny njääkyukka'ant, mëti' yë ISIA kyajpxpy ja' yë' mää nyawejtsëyë ja näajx käjp mëet ja expëjktäajk, mää ja mëj expëjkpë nyatayaputëkkjyé ja kunäajx ja wyején kyajén. Ya'ät mëj expëjktäajk jam yë tsyoo'ntä'aky mëet ja Servicios del Pueblo Mixe A. C. (SER A. C.) jamyep ee'pxmakmäjkts jumëjtëyëp ja expëjkën wënmää'ny mëet ja äaw ayuujk tmëmay tmëtäjy. Jam myäjk jumëjtëp, ojts mëet nyapikjyé ja Sistema Universitario Jesuita, wënets jate'n ojts ja expikjyä'y yék'awäämuktë, jëts t'ejxtët tko'otët ja ayuujk tsënää'yén, ttanepëktäakëtët tii mëj expëjktäajk mupäät jatya'a tuu'wetsp ayuujkäpjyéty. Kyémajtsk jumëjt jate'n ojts tkäjpxkëtä'aktë ja jotmay.

Ku y'ity ja ayoo'n jujkyäjtënen ka'ap ey tsuj ka tsënää'yén nyaxy, tsep ja nëë-tuu' mää tu'uk tu'uk ja näajx-käjp, ka'ap tuknäx pyäty mëti' ja käjp tyajujkyäjtp jam ja' pën myëet kyamëet, tékajts'atëtsp ja tukmëku'uk'äjtënen tukjää'yäjtënen, tëekjyatëtsp ja ayuujkjää'yäjtënen, ka'ap ja expëjktäajk nyëe'witsy tyuu'witsy yékxon. Patskëjxpts yë ISIA ojts tsyoo'ntä'aky exkatsp käjp jam 2006.

Majtsk ja expëjkën yë ISIA ojts wyëxujkjumëjtëp tnepëktäakë, myëtu'uk mää ja käjpxën matyäjjkën yékne'expëkë mëti' käjp mëtunp, ja mää yéktnepëktäakët ja kumää'yén wëntsëjken mëet ja näajx käjp. Jëts xyem myaktäxkjumëjtëp tyéktsoo'ntä'aky jatu'uk, ja expëjkën nëjum ja näajx-käjp ja wyején kyajén, ojts yékñewënmayë ja ta'expëjkpajt ku ja expëjktäajk tyuu'yë'ety tyuu'päät mëet ja näajx-käjp. Jate'nts jap kyojptany mëti' mëpäät yékkutyu'mp ku ja expëjkën wënmää'ny yék'ejxä'akt yékpëktä'akt, ja nawyejtsowë mëet ja käjp, ja nääxwii'nyäjtënen naywyentës'ëkë, ja expëjkën ja wején kajén mëti yéktsënaapy. Ya'ät mëj expëjktäajk nênyapjyäjtëp mëet ja expëjkën wënmää'nykojpk mëti' tuujnëp jäjtëp mää te'n jam kya'ëyë, mää ja tyunkpäät ja mäjää'y ja tsyënää'yén mëti' të yék'ejxnë yéktnë, jëts mää ja expëjkën tmemay tmëtäjy sutso yékmeweit yékjmëkajt mëeti', määte'n jam kya'ëyë (Díaz, 2006).

Ja' yë ISIA tyunpy, jëts ja unä'aktëjk tpaattët t'ejxtët ja mëj expëjktäajk, tjaak yéktuu'yë'ëtyet y'expëjkën, waanëm ja ayuujkjää'ytyë jëts nayte'n ja më'ayuujkjää'y pats ojts yékñewënmayë ku ayuujk käjp jëejty yékojt yë expëjktäajk, mää mye'entët jyä'attët ja unä'aktë may äaw may ayuujk. Yë ISIA, awënkujk expëjktäajk yë'ë, mää nayte'n ojts yékñewënmayë ku ja unä'ak ka' ta'ayo'otët ja kyaaky ja tyojkx pats yë expëjktäajk të tanëppäät ja kaatyäjjk, nayte'n ku ja meeny y'ity kya'ity mupäät wajnjaty tkuju'uttyet ja y'expëjkën u nayte'n tunk këjxp. Jate'n ja ISIA tja tuny ja tyunk, jëts ja unä'ak ka' tyékttu'u'tuktët tsywökjxp yë expëjkën, ka'te'n jyäjtknë, säm ja Marcela Santiago wyä'any:

Ka'ap ejts ja nteety ntäak meeny kyëjxp xputëkkë, mëjnë ejts ja ntäak, kë'm ja iiy nyay'atunëyë. Tu'ujts na'ap ja. Namyétapyäjtëp ejts, jamë nnijkxy tunpë wäjkwemp, tu'uk'akuky xyëew apiky ntuny jëts jatu'uk tsuutëkë, jate'nts ejts ja nmeeny npäät yë'ë ja nkë'ëk ja nwet, ja npëktä'aky ja nta'expëjkpajt ntajuupy, mëti' tyim tsyojkëp kujkpjumëjt. Jëts ja ntëjk akujuu'ny tu'uk ejts ja fundación xmë'ey putëjkën.

Nayte'n yë ëxpëjkpë tnëmatyä'äktë jatu'uk ja jotmay ku yää y'ettë ISIA, ku ja tyeety tyääk tnëtsoo'ntututë, ku wëntëkatsy ja ëxpëjkën tyuu'yë'ey, jëts aa'ats wënkuwojpëp ja ëxpëjkpë nayaayëts tmëwiyj tmëkejy ja tsyënää'yën.

Ja ka'tëjkmukkë tsënää'yën. Ja unä'ak pën ëxpëjktejp ISIA, jam tsyoontë Veracruz, Nayarit, Chiapas, Puebla jëts ja wäjkwempët kawënaäk käjp, ja kukäjpén unä'ak ëxpëjkpëtë néwaanëtë, jëts tëki'pxymajkmajtsk käjp apiky tsyoontë. Maytsen ja unä'ak yää tsyënëtë ka' mëet ja tyeety tyääk, säm ja Marcela Santiago wyääny:

Kuyëp ojts yää nminy jam myajtsk jumëjtëp, ma'jtsk oojknëm n'ats ëtsy jam nkäjköxp, ku eëts natynëpoo'kxë yë ëxpëjkën metunpë ejts nijkxy, nayte'n ka' nyëpetsemëjä'ku tsowë ja pujxkujuu'nyé.

Ku ja tyeety tyääk tnëtsoo'ntu'utë. Ku ja ëxpëjkpë natyu'uk jya tsëenëtë, jate'n nyayjäwëytë ku ja myëku'uktëjk tka'mëpjëktä'ätë pënë ëxpëjktep, säm ja Marcela Santiago tnëkajpxy:

Jamë nëmakooxk nmeka'axtë, jëts nyëtu'uk tkamëpëktë ku ejts n'ëxpiky. Jate'n ja tjawëtë nukoo nyëkwëntëkëy ja xëew ja et, pë pats jate'n wyä'antë ka'ap ja netu'ukën té y'ëxpëktë. Nja'ats ayoojep ejts ku nkë'm mëku'uk ka' xmëpëktë, jëts ja wenkjää'y ne'ekë xkupëktë ek xputëktë.

Ku wëntëkatsy ja ëxpëjkën tyuu'yë'ey. Yë ëxpëjkën ISIA, tækäjtsyen yë'ë ja may kyäjp may äaw nyëwënmää'ny, pats ja ëxpëjkën jate'n tyuu'yë'ey, jam ja yëk'ëxpëjkpë pën jayë käjkixy tsëennaatyëp jëts mëet ja ëxpëjkpë tyunë jaayë, jats ja yëk'ëxpëjkpë pën'ats mentëp wënp'o. Jam ja expëjkajt mëti' nëxëepayë'ey ee'pxmajkmajtsk jëts jatu'uk wëxikxy tuktujk. Ja Sistema Universitario Jesuita pyëktakpy ja yëk'ëxpëjkpë jëts nayte'n ja wenkpë ëxpëjktäjk yëk'amëtëy may'äjtkëxp ja yëk'ëxpëjkpë.

Yë ëxpëjkën mëti' wënp'o' jantsy may ja äaw wënmää'ny tjamëtë, jëts ku jap jyaatuu'yë'ey ja ejxn koo'wën internetjëtypy eë tsyëppë, jaayë kajaayë tyuny yë internet, ka'ap jatyë ja yëk'ëxpëjkpë tyëkwënpëttë ja tunk mää jeexyë té tkäjpxputëkkë, jëts waanë ku ja yëkëxpëjkpë jate'n ya'ats a mentë [jam yää'at 21 mayë po'o ja ëxpëkpë tmatyäkþëtsëmtë].

Ja wëntëkatsy kukäjp jujkyäjtë. Jap ëxpëjkajtjëtypy yëknä'ana'mp jap ku yë äaw ayuujk yëkëxpëkt maktaxkpat. Ku ojts tsyoo'ntä'aky yë ISIA, yë Ayuuk'ääw ja'ayë ijty yëknä'ëxpëjkpë yëkjä'ay yëkjë'ëtsy. Ku të myayë'atëtsnëtë yë ëxpëjkpë, të myenëtë may kyäjp may äaw, pats nayte'n të tsyoo'ntä'aky mää yëknä'ëxpëkët yë maykyäjp äaw wënmää'ny, ja ëxpëjkpë pën ijty nukoo atsootëp ja'akëjxp ku ja nyäajx ja kyäjp ayuuk'etjëejty ayuujkjää'yëk ja'atë,

kuwänëts ja të nyay'ejxkapyëtë kutam wenk käjp wenk ayuujk.

Ku ejts ojts njä'äty yää ISIA, jate'n ejts wënaty njawë kumë namay yë ayuujktë, pats ja ayuujk'ääw ja'ayë yëktuk'ejxt pën ayuujktë. Tëts nayte'n nyë'awä'ätsy ja wenk ayuuk ja nyë'ëxpëjkën ejxém ja ombeysiüts. Njanajää'wëp ejts ku jaa may'ääw ka'ats wënats nmatyñyem sää yëkkajpxy, nayë ISIA ejts ja të xukmëwiyy jëts n'ejxkajpnë ku nayte'n ja may'ääw xyëkkajpxy kaxi'ikyën wëne'n atëm n'ayuujk käjp'äjtyëntë [Ajejandra Rangel Cuellar, ja ëxpëjkën nyë'ëxpëjkpë myemaktäxk pat].

Ja'ats wënkuwojpëp nayaayëts tmëwiyj tmëkejy ja tsyënää'yën. Tékatsy jëts mëjkën yää ja ëxpëjkën, mää ja jää'y y'ëxpëjkumktë maykyäjp may'ääw, jate'n ja ëxpëjkajt nyë'ana'mëni ku ja kë'm kunäajx äaw ayuujk kyatëkë'ety, ja näajx ja et yëkwëntë'ëkët, ja käjkpxen matyäajkën ja näajx käjp nyatyamëtunët, nayte'n mää ja ëxpëjkpë yëktuu'mo'të ku nayte'n ttamëtu'utët ja nyäajx kyäjp ja y'ëxpëjkën. Jatentsen ja ëxpëjkën, ja wején kajën yää tyuu'yë'ey mää ja yëk'ëxpëjkpë kyäjptsëenëtë jëts ja yëk'ëxpëjkpë mëti'ats mentëp, ja unä'ajk yëkmëet'ëxpëktë, yëkmëettuntë, tyuntëp ja këmuuny tyunk, ja käjp mëtunk, ja ijxy jääwë yëktuny yëkkajpxy, wëxujkyäxp jëpy tsyoo'ntä'aky ja ëxpëjk jëts y'apäätë tuktujkyäxp koots. Ku ja ëxpëjkpë tmëmajata'aky yää'at ëxpëjkën, mää tmëwejtë tmëkajtë ja tsyënää'yën, tuk'ëxpëjkpë nyapyutëkkëytë nyapyulkäjpxyëtë, mää të yëktanëpäty ku ja yëk'ëxpëjkpë netu'ukjaty tjaakkäjpxwejt tkäjpxputëkët ja ëxpëjkpë, nayte'n npäät ja kujëen kutëjk mää tyëjk'anuu'kxtë kyäjpxwiyjyëtë,

Kumë myetu'uk'oojk ejts ntsëeny npëtsimy, pats may wënatks ncamëtapyäty yää'at ëxpëjkën, Säätë'n ntejënt ja ëxpëjtäajk?, ja nmëet ëxpëjkpëtë?, n'ejxämp ejtsen ja ëxpëjktäajk?, tékëek po'o ejts ntäär'nyiiny wënets yë mujktäajk ëxpëjkën ISIA ojts n'ejxany. Mëj ojts nja'jäwë ku jëpy jëts kootsnëm y'apäätë yë ëxpëjkën, yë wënp'o'ëxpëjkën. Tyimy jawanjaty ojts nkapëtsmnë, mëjk ojts njajot'aty ja kutëjk mää ntsëenë, ja nyëk'ëxpëjkpë mëjk nayte'n ojts xpukäjpxë [Jate'n ja Verónica tnëmatyä'aky, ja' y'ëxpëjkpy ja kukäjp käjkpxen matyäajkën, myemaktäxkpat].

Yää ISIA, nëmakë'pxy ja ee'pxmajktäxujk myatsyoomukte yë ëxpëjkpëtë, nëkukwa'kxy nyaxy yë të'ëxyëjk yää y'ëxpëktë, Ayuujkët, Dixizët, Ņuuuzavët, Ikoootsët, chinantekët, Chontalët, popolukët, tzeltalët, nahuët jëts wixarikëtkjää'tyë. Jap ne'ekë (39%) ja të'ëxyëjkët, pën y'ëxpëjktep ja kumää'yën wëntsëjkën mëet ja näajx käjp, jëts tpäyë'ey ja nëjum ja näajx-käjp ja uyejën kyajën ja' y'ëxpëjktep (36%) jëts jap (25%) pën nyë'ëxpëjkëtëp ja käjkpxen matyäajkën mëetpë käjp. Yää'at tékëekpë ëxpëjkën

mëjkën yë jyanatyaputék'yët ja kunääjx-kukäjp jëts ëyët pyäätét ja jää'y ja tsyénää'yën. Jëts yëkmëwënmää' nypyäätét mää ja mëjkäjj ja et ja näajx wyanjaty, ku ntamë' ejxa'an yë ñxpëjkën mëet ja tuntääjk mää ja ñxpikyjää'yëaa tyunetë, may jam tyunte mää ja tuntääjk mëti' tyunk'äjtëp ja ñxpëjkën jëts ja näajx-käm tyunknëpëktäök.

Yë ISIA tsyékpy tnajjäwt määtunk, tiitunk tsojkëp yää ayuujk'et, jëts tii tu'uk jatu'uk tyuntëp pën të y'ñxpëjk'apäätét, pats ojts 2010 tyéktiy t'amëtëy mëet ja ñxpëjkpëtsëmpëtë tii jaty tyuntëp jëts säate'n t'ejxtë tjawëtë yë ñxpëjkën yää ISIA. Ku të yëk'ijxy ja nëky jam 2011 jëts 2012 nëwëxijkxy maktujt të tyék'apäätét, mää jap nyékaxi'iky ku ee'pxmäjk ja të'ñxyék të'ñxpëktë ja kumää'yën jëts ja käjpx matyäjkën. Ku yëk'a'ejxmuky ja yää'y ja të'ñxy ja tuu'në, në'ekë ja të'ñxyék të'nyunkpäätë (70%), jëts mää tyuntë: ñxpëjkën tunk (43%), ja käjpkutuu'në (29%), ja kë'mtunk (14%), jëts ja ka'jekymëtunk (14%). Jëts tiijatyen tyuntëp jam tuntääjkjotp, (60%) ja të'ñxyék yéktunmo'ontë mää yéktamëkuy'ejxtë twëntanët ja tunk, ñyep pääjtëpts ja nyëtuny jëts tuktajotkujk'aty ja yéktunpë. Ja yéktunpë, ñy ja tyunpë tjawëtë, puttuu'nëtëpëk, jëts myëtapyattëpëk tsutso t'ejxä'ant ja tyuntääjk.

Ku jate'n tyéktuu'yë'ëtyë ja tyunk jam mëkäjptuntääjk, ja Esperanza del Carmen tnëkajpxy:

Mëjk ja të'ñxyék ja tyunk ku ttattëkkë tyéktsoon'tääktë ja käjpkutuu'në. Mëjk jëts yë ISIA ntamjëj jäwë pë têxë njawë xnëë'më'ey tuu'më'ey mää ja të'ñxyék ka' jäjtknë ja awa'äts'ajtëp tpäät. Ja'apë ñxpëjkpë jëts ojts njawë xpäätty mää ja të'ñxyék pyäät'aty takkäjpxët. Ka yë ISIA ja'ayë tyanyë yë nyë'an'amën meti' y'ñxpëjkp ja'ayë mëjnëkyjëtypy ja në'ekë tyunpy kyajpxpy mëti' yëktsënaapy käjp käjp.

Jatukpiy ja të'ñxyék pën ka' tyunte, ka' të t'ëxä'ätë ja tyunk jëts të y'amajtskënyëtë uk tyäak'äjtnëtë.

Bibliografía

- CEA-UHIA (2006). *Modelo educativo* México: Centro de Estudios Ayuuk-Universidad Indígena Intercultural Ayuuk.
- CEA-UHIA (2006). *Hacia dónde vamos. Un diagnóstico de la Región Mixe.* México: Centro de Estudios Ayuuk-Universidad Indígena Intercultural Ayuuk.
- Díaz Barriga, F. (2006). *Enseñanza situada: vínculo entre la escuela y la vida.* México: Mc Graw Hill.
- Rodríguez, J. (2010). *Evaluación diagnóstica del entorno laboral en la región del Bajo Mixe. Determinación de las capacidades y limitaciones de formación profesional en el Instituto Superior Intercultural Ayuuk.* México: Instituto de Investigaciones sobre Desarrollo Sustentable y Equidad Social (IIDSes) de la Universidad Iberoamericana Ciudad de México, Instituto Superior Intercultural Ayuuk.
- Rodríguez, J., Santiago, A. (2014). *El logro laboral de los egresados del Instituto Superior Intercultural Ayuuk y percepciones de su formación universitaria.* México: Programa de Interculturalidad y Asuntos Indígenas de la Universidad Iberoamericana Ciudad de México, Instituto Superior Intercultural Ayuuk.

Fuentes orales

- Asamblea Universitaria del Instituto Superior Intercultural Ayuuk. 21 de mayo de 2014.
- Alejandrina Rangel Cuellar. Estudiante del cuarto semestre de la licenciatura en Educación Intercultural.
- Esperanza del Carmen González Valentín. Egresada de la licenciatura en Comunicación para el Desarrollo Social.
- Marcela Santiago Antonio. Estudiante del cuarto semestre de la licenciatura en Educación Intercultural.
- Verónica Robles Martínez. Estudiante del cuarto semestre de la licenciatura en Comunicación para el Desarrollo Social.